



CICTO

Baliwag City

Gabay sa Pagsubok ng Document Tracking System

Gabay po ito kung paano ninyo masusubukan ang sistema bago ito tuluyang gamitin sa opisina. Hindi po kailangan ng kaalaman sa computer programming — sundin lamang po ang mga hakbang.

Para sa: City Government of Baliwag

Sistema: CICTO Document Tracking System

Yugto: User Acceptance Testing (UAT)

1 Ano po ang gagawin natin dito

Tapos na po ang pagbuo ng sistema at nasubukan na namin ito nang paulit-ulit. Ngunit ang pinakamahalagang pagsubok po ay ang **inyong pagsubok** — kayo po ang nakakaalam kung paano talaga umaandar ang papeles sa Baliwag.

Ang layunin po ng gabay na ito ay tulungan kayong subukan ang bawat mahalagang bahagi ng sistema. Kapag may nakita kayong mali, kakaiba, o hindi malinaw, **pakisulat po ito** — makikita ninyo sa dulo kung paano ito i-report.

Mahalaga: Hindi po kayo makakasira ng kahit ano. Ito po ay test system na may pekeng datos, hindi tunay na papeles ng lungsod. Malaya po kayong mag-click, mag-submit, at magkamali.

Gaano po katagal?

Humigit-kumulang **60 hanggang 90 minuto** kung susubukan ninyo ang lahat. Maaari po ninyong hatiin sa ilang araw. Mas mabuti po kung **dalawa hanggang tatlong tao** ang sumubok — iba-iba po ang napapansin ng bawat isa.

2 Paano po mag-simula

Address ng sistema

Buksan po ang **Google Chrome** o **Microsoft Edge**, tapos pumunta sa address na ibinigay namin sa inyo kasabay ng gabay na ito.

Address: _____

(Ipapadala po namin ito nang hiwalay. Kung wala pa po kayong natatanggap, pakisabi lang po sa amin.)

Mga pansubok na account

Limang account po ang inihanda namin — isa para sa bawat uri ng gumagamit. **Pare-pareho po ang password: password**

Email (pang-log in)	Uri ng gumagamit	Opisina
clerk@cicto.test	User (Kawani)	Office of the City Mayor
admin@cicto.test	Admin	Office of the City Mayor
mta@cicto.test	Admin	Office of the City Treasurer
sb@cicto.test	Admin	Office of the Sangguniang Panlungsod
super@cicto.test	Super Admin	Lahat ng opisina

Babala tungkol sa seguridad. Ang mga account po sa itaas ay **pantest lamang** at napakahina ng password. Bago po tuluyang gamitin ang sistema sa opisina, buburahin po namin ang lahat ng ito at gagawa ng tunay na account para sa bawat kawani, na may sarili nilang malakas na password. Huwag po ninyong gamitin ang mga ito sa tunay na papeles.

Ano ang pinagkaiba ng tatlong uri ng gumagamit

Uri	Ano ang kaya nilang gawin
User (Kawani)	Magpasok ng bagong dokumento, hanapin ang dokumento, tingnan kung saan na ito nakarating.
Admin (Namumuno sa opisina)	Lahat ng kaya ng User, dagdag pa ang pagtanggap, pag-apruba, pag-reject at pagpapasa ng dokumento sa ibang opisina. May sariling panel na may listahan at ulat — ngunit sa sariling opisina lamang.
Super Admin (Namamahala ng sistema)	Nakikita ang lahat ng opisina. Siya lamang ang makakagawa ng bagong account, makakakita ng buong security log, at makakapag-backup.

3 Pagsubok bilang Kawani (User)

Mag-log in po muna gamit ang `clerk@cicto.test`.

3.1 — Pag-log in

- 1 Ilagay ang email at password, pindutin ang **Login**.
- 2 Subukan din pong maling password muna, para makita ang mensahe.

Dapat mangyari: Kapag tama, dadalhin kayo sa Home. Kapag mali, may lalabas na pulang mensahe sa ilalim ng email — hindi po dapat mag-error o mag-blanko ang screen.

3.2 — Pagpasok ng bagong dokumento

- 1 Pindutin ang **Track Documents**, tapos **Submit Document**.
- 2 Punan ang Title, Document Type, Department at Priority.
- 3 **Huwag muna pong maglagay ng file**, tapos pindutin ang Submit.
- 4 Ngayon po, maglagay ng kahit anong PDF o larawan, tapos Submit ulit.

Dapat mangyari: Sa hakbang 3, tatanggihan po ito — kailangan talaga ng file. Sa hakbang 4, may lalabas na **berdeng mensahe** na may bagong control number (halimbawa `OCM-2026-00007`). Isulat po ninyo ang numerong iyon.

Tanong po sa inyo: Tama po ba na *laging kailangan* ng nakalakip na file? Kung minsan po kasi ay papel lang ang dumarating sa counter at wala pang scan. Kung gusto ninyong pwedeng walang file, sabihin lang po ninyo at mabilis naming baguhin.

3.3 — Paghahanap ng dokumento

- 1 Pumunta sa **Track Documents**.
- 2 I-type ang control number sa search box, pindutin ang **Search**.
- 3 Subukan din pong maliit na letra — halimbawa `ocm-2026-00001`.
- 4 Subukan ang **Status** na dropdown para salain ang listahan.
- 5 Pindutin ang **View** sa isang dokumento.

Dapat mangyari: Mahahanap ang dokumento kahit maliit na letra. Sa View, makikita ninyo kung saang opisina ito naroon, gaano na katagal, at lahat ng opisina ng dinaanan nito.

3.4 — QR Code

- 1 Sa loob ng dokumento, pindutin ang **Show QR** o **Print label**.
- 2 Tingnan po kung malinaw at kasya sa sticker na balak ninyong gamitin.

Dapat mangyari: May lalabas na QR code na may control number sa ilalim nito, handa nang i-print.

4 Pagsubok bilang Admin

Mag-log out po, tapos mag-log in gamit ang `admin@cicto.test`.

4.1 — Daloy ng dokumento (pinakamahalaga pong subukan)

- 1 Buksan ang dokumentong ginawa ninyo kanina.
- 2 Pindutin ang **Received**, tapos **Confirm**.
- 3 Pindutin ang **Approved**, tapos **Confirm**.
- 4 Pindutin ang **Completed**, tapos **Confirm**.

Dapat mangyari: Sa bawat hakbang, may berdeng mensahe at umuusad ang linya sa itaas: Initiated → Under Review → Approved → Completed. Nakatala rin po sa ibaba kung sino ang gumawa at kung kailan.

4.2 — Pagpapasa sa ibang opisina

- 1 Sa ibang dokumento, pindutin ang **Send to Another Office**.
- 2 Piliin po ang **Office of the City Treasurer**, maglagay ng remarks, tapos Confirm. (May 51 opisina po sa listahan, pero dalawa lang ang may pansubok na account — ito po ang isa, kaya ito po ang piliin.)
- 3 Mag-log out at mag-log in gamit ang `mto@cicto.test`, ang account ng Office of the City Treasurer.

Dapat mangyari: Makikita na ng bagong opisina ang dokumento sa kanilang listahan.

4.3 — Hindi dapat magkita ang magkaibang opisina

Ito po ang pinakamahalagang panuntunan sa seguridad ng sistema: **ang isang opisina ay hindi dapat makakita ng papeles ng ibang opisina.**

- 1 Bilang `admin@cicto.test` (Office of the City Mayor), hanapin ang `SP-2026-00001`.
- 2 Mag-log out, tapos mag-log in bilang `sb@cicto.test`.
- 3 Tingnan kung ano ang nakikita nila sa Track Documents.

Dapat mangyari: Sa hakbang 1, **wala pong dapat lumabas**. Sa hakbang 3, isang dokumento lamang ang makikita ng Office of the Sangguniang Panlungsod — ang sa kanila — at wala ni isa sa Office of the City Mayor.

Kung may nakita kayong papeles ng ibang opisina, ito po ay seryosong depekto. Pakisabi po agad sa amin.

4.4 — Admin Panel

- 1 Sa gilid, pindutin ang **Document Management**.
- 2 Tingnan ang apat na kahon sa itaas — **tama po ba ang bilang?**
- 3 Pindutin ang **Users** — makikita ang mga kawani ng inyong opisina.
- 4 Pindutin ang **Reports** — may grap at listahan ng nakabinbin.
- 5 Pindutin ang **Settings** — subukang palitan ang Date Format, tapos **Save Changes**. I-refresh ang page.

Dapat mangyari: Nananatili ang setting kahit na-refresh. Sa Users, ang inyong opisina lamang ang makikita.

4.5 — Reports at pag-export

- 1 Sa itaas na menu, pindutin ang **Reports**.
- 2 Tingnan ang apat na kahon at ang mga grap.
- 3 Pindutin ang **Download PDF**, tapos **Export Excel**.
- 4 Buksan ang mga na-download na file.

Dapat mangyari: Bubukas nang maayos ang PDF at ang Excel, at tama ang mga datos sa loob.

Pakisuri po nang mabuti: Ito po ang mga ulat na ipapasa ninyo sa taas. Kung may kulang na column o kailangan pang ibang datos, ngayon po ang pinakamagandang panahon para sabihin.

5 Pagsubok bilang Super Admin

Mag-log in po gamit ang `super@cicto.test`.

5.1 — Paggawa ng bagong account

- 1 Sa gilid, pindutin ang **Manage Users**.
- 2 Pindutin ang **Add New Admin**.
- 3 Punan ang pangalan, bagong email, piliin ang Role at Office, maglagay ng malakas na password.
- 4 Pindutin ang **Create account**.
- 5 Mag-log out, tapos subukang mag-log in gamit ang bagong account.

Dapat mangyari: Lalabas ang bagong account sa listahan at agad na makakapag-log in.

Paalala: Dahil wala pa pong email na naka-setup (tingnan ang Bahagi 7), **walang ipapadalang email** sa bagong kawani. Kayo po mismo ang magbibigay ng password sa kanila.

5.2 — All Documents

- 1 Pindutin ang **All Documents**.
- 2 Tingnan kung nakikita ninyo ang papeles ng *lahat* ng opisina.
- 3 Subukan ang search at ang status filter.

Dapat mangyari: Ang Super Admin lamang ang nakakakita ng lahat. Ang bawat linya ay may **View** at **Archive**.

Bakit walang “Delete”? Sadya po ito. Ang isang naitalang dokumento ay hindi dapat mabura — kasama po kasing mawawala ang buong kasaysayan nito, at iyon mismo ang dahilan kung bakit may ganitong sistema. Sa halip po ay **Archive**: naitatago ito sa listahan pero nananatili ang record, at maibabalik anumang oras.

5.3 — Reports & Analytics at System Settings

- 1 Pindutin ang **Reports & Analytics** — tatlong grap.
- 2 Pindutin ang **System Settings**.
- 3 Sa ibaba, tingnan ang **Security log** — nakatala rito ang bawat pag-log in, pag-download at pagbabago ng account.
- 4 Subukan ang **Backup**.

Dapat mangyari: Makikita sa security log ang inyong sariling pag-log in kanina, at ang account na ginawa ninyo sa 5.1.

6 Pagsubok sa cellphone

Marami po sa inyong kawani ang gagamit nito sa cellphone, kaya mahalaga pong subukan ito roon. Buksan lamang po ang parehong address sa browser ng inyong telepono.

- Track Documents — dapat pong nagiging **card** ang bawat linya, hindi mahabang talahanayan.
- Submit Document — dapat kasya ang lahat ng field.
- Ang menu sa itaas ay dapat maging tatlong guhit (≡).
- **Hindi po dapat kailangang mag-slide pakanan** para mabasa ang laman.

Dapat mangyari: Nababasa ang lahat nang hindi kailangang i-zoom o i-slide pakaliwa't pakanan.

7 Mga hindi pa gumagana — at bakit

Para po maging patas at malinaw: may ilang bahagi na **sadyang hindi pa gumagana** dahil may kailangan pa kaming impormasyon o setup mula sa inyo. Hindi po ito mga depekto. Huwag na po ninyong i-report ang mga ito.

7.1 — Walang email (pinakamahalaga)

Wala pa pong naka-setup na email sa server, kaya:

- **Ang “Forgot Password” ay hindi pa gumagana.** Walang darating na email. Sa ngayon po, ang Super Admin ang magpapalit ng password ng nakalimot.
- **Ang mga support ticket ay naitatala lamang** sa loob ng sistema, hindi naipapadala sa email. Sinasabi po ito nang malinaw ng sistema mismo kapag nag-submit kayo.
- **Walang email na abiso** kapag may dumating na bagong dokumento sa inyong opisina.

Kailangan namin mula sa inyo: ang SMTP details ng email ng lungsod (server address, username, password, port). Kapag naibigay na po ninyo ito, gagana na ang lahat ng nasa itaas nang hindi na kailangang baguhin ang programa.

7.2 — Ang camera sa QR scanner

Ang pag-scan gamit ang camera ay gumagana lamang kapag ang website ay naka-**HTTPS** (ang secure na address na may padlock). Panuntunan po ito ng mga browser, hindi namin mababago sa programa. Kapag naka-install na po ang sistema sa tunay na server na may HTTPS, gagana na ito.

Sa ngayon po, gumagana pa rin ang **USB barcode scanner** at ang pag-type ng control number.

7.3 — Ang oras ng opisina sa Contact page (naitama na po)

Tapos na po ang bahaging ito. Nakalagay na po ngayon sa Contact Support page ang **“Monday – Thursday, 7:00 AM – 6:00 PM”** — ito po ang kinumpirma ninyo noong **Agosto 18, 2026**. Wala na po kayong kailangang ipasya rito.

Dati po kasing 8:00 AM – 5:00 PM ang nakasulat, kinopya namin nang eksakto mula sa disenyong ibinigay ninyo, at inakala pa naming mali ang “Thursday” at dapat ay “Friday”. Hindi po pala mali: totoo pong apat

na araw ang linggo ninyo, ang oras lamang po ang mali. Pakitingnan na lang po ang Contact page at pakisabi kung tama na ang nakikita ninyo doon.

8 Mga kailangan naming sagot mula sa inyo

Narito po ang katayuan ng bawat isa sa mga hinihingi naming impormasyon, sa **Agosto 18, 2026**.

Maraming salamat po sa mga listahang ipinadala ninyo — dalawa po rito ang tapos na, at isa ay naging setting na kayo mismo ang makakapagtakda. Mas mabuti pa rin pong nakasulat (email o chat) ang mga natitirang sagot para may matukoy tayong sanggunian sa hinaharap.

Kailangan	Katayuan ngayon
Tunay na listahan ng opisina at ang code ng bawat isa	Natanggap na po noong Agosto 18, 2026. Nakapasok na po sa sistema ang 53 opisina at ang code ng bawat isa. Ang code po ang simula ng bawat control number, tulad ng OCM sa OCM-2026-00007 . May tatlong bagay lang po kaming kinailangang ipasya para sa inyo — pakitingnan po at pakisabi kung may mali: - Dalawang beses pong nakalista ang City Social Welfare and Development Officer, bilang CSWDO at bilang CSWD. Inilagay po namin pareho para walang ibang opisinang makakuha ng code na iyon, ngunit naka-off po muna ang CSWD hanggang sabihin ninyong ginagamit din talaga ito. - Ang “CEEAO / BIPU” po ay naging CEEAO sa sistema. Hindi po kasi maaaring may slash (/) sa control number: naililimbag po ito sa papel at ginagamit din sa web address. - Karaniwang pagkakasulat po ang ginamit namin sa pangalan ng opisina, tulad ng “Office of the City Mayor”, hindi ang pagkakasulat sa file na ipinadala ninyo.
Tunay na listahan ng uri ng dokumento	Natanggap na po noong Agosto 18, 2026. Napalitan na po ng 43 uri na ipinadala ninyo ang mga pansamantalang nakalagay noon.
Ilang araw ang inaasahang tapusin sa bawat uri ng dokumento	Kailangan pa rin po namin ito. Ang sagot po ninyo ay ARO — ang City Archive and Records Office po ang makakasagot nito, at itatanong ninyo raw po sa kanila. Habang wala pa po, pare-parehong tatlong araw ang deadline na ibinigay sa lahat ng dokumento, anuman ang uri nito. Lumalabas pa rin po ang “Due soon” at “Overdue”, ngunit pansamantala lamang po ang petsang pinagbabatayan ng mga ito hanggang dumating ang tunay na bilang.
SMTP / email details	Kailangan pa rin po namin ito. Wala pa pong maipapadalang email hangga't wala nito (Bahagi 7.1).
Gaano katagal itatago ang mga file	Nasagot na po, may isang bilang na lang na hinihintay. Ang sabi po ninyo ay tatlo hanggang limang taon ang pinakamababa, at nakatago rin naman po ang mga lumang record sa inyong cloud server. Itinakda po namin ang sistema sa pinakamababa, tatlong taon , at babaguhin po namin ito kapag naibigay na ng City Archive and Records Office ang eksaktong bilang. Wala pa rin pong awtomatikong nabubura habang hinihintay: naka-off po ang pagbura , at mananatili pong naka-off hanggang may nakasulat kayong kumpirmasyon na gusto ninyong paganahin ito.

Kailangan	Katayuan ngayon
Saan ilalagay ang sistema (hosting)	Nasagot na po: Cloud Server. Tatlong bagay na lang po tungkol sa server na iyon ang kulang. Ang web address na gagamitin, para mailagay ang HTTPS (ang padlock) — ito rin po ang hinihintay ng pag-scan gamit ang camera. Kung kaya pong magpatakbo ng naka-iskedyul na gawain , dahil iyon po ang kailangan ng gabi-gabing backup at ng pagtingin sa mga overdue. At saan itatago ang kopyang nasa labas ng server , dahil ang backup na nasa iisang makina lang ay hindi po tunay na backup.
Sino ang mag-a-approve sa sariling naisumite	Hindi na po ninyo ito kailangang ipadala sa amin — kayo na po ang makakapagtakda. Isang switch na po ito sa System Settings . Sa ngayon po ay hindi pinapayagan na aprubahan ng Admin ang dokumentong siya mismo ang nagsumite, at kayang buksan ito ng Super Admin anumang oras nang hindi na kailangang lumapit sa amin.

9 Paano po mag-report ng nakitang problema

Kapag may nakita kayong mali, pakisulat po ang **apat na bagay** na ito. Malaking tulong po ito para agad naming mahanap:

- 1 Anong page?** Halimbawa: “Sa Submit Document.”
- 2 Anong account ang ginamit?** Halimbawa: “admin@cicto.test.”
- 3 Ano ang ginawa ninyo, hakbang-hakbang?**
- 4 Ano ang inaasahan ninyo, at ano ang aktwal na nangyari?**

Napakalaking tulong po ang screenshot. Sa Windows, pindutin ang **Windows + Shift + S**. Sa cellphone, ang karaniwang screenshot lamang po.

Halimbawa ng magandang report

“Sa **Submit Document**, gamit ang **clerk@cicto.test**: pinunan ko ang lahat at naglagay ng PDF, tapos pinindot ko ang Submit. Inaasahan kong may lalabas na control number, pero puti lang ang screen at walang nangyari. Eto po ang screenshot.”

Saan ipapadala

Ipadala po ang inyong mga natuklasan sa amin sa pamamagitan ng napagkasunduan nating paraan ng pakikipag-ugnayan. Kung marami po kayong nakita, isang listahan na lang po — hindi na kailangang isa-isang mensahe.

Salamat po nang marami. Ang oras pong ginugol ninyo sa pagsubok na ito ang siyang magsisiguro na tama ang sistema bago pa ito hawakan ng tunay na papeles ng lungsod. Bawat maliit na bagay na mapapansin ninyo ngayon ay isang problemang hindi na mangyayari sa inyong mga kawani sa araw-araw.